

სს „აიმუვის ჯის“ წილის 40%-ის შპს „დიჯიტალ ედის“ მიერ შექმნაზე თანხმობის მიცემის საკითხის განხილვის შესახებ

საქართველოს კომუნიკაციების ეროვნული კომისია (შემდგომში „კომისია“) აღნიშნავს, რომ კომისიას წერილით მიმართა სს 2აიმუვის ჯიმ“ (კომისიაში წერილების რეგისტრაციის №შ-6/12425-16 22.11.2016წ. და №შ-6/12430-16 24.11.2016), სს 2აიმუვის ჯის“ (ს/კ 404987289) პარტნიორის ფიზიკური პირის შოთა ჩლაიძის 40%-იანი წილის შპს „დიჯიტალ ედის“ მიერ შექმნაზე კომისიისაგან წინასწარი თანხმობის მიღების მოთხოვნით.

“ელექტრონული კომუნიკაციების შესახებ“ საქართველოს კანონის 26-ე მუხლის შესაბამისად, წილის შექმნის განზრახვის შესახებ კომისიას უნდა ეცნობოს შექმნის განხორციელებამდე. შეტყობინების ვალდებულება ეკისრება ავტორიზებულ პირს, რომლის წილის შექმნაც ხდება.

“ელექტრონული კომუნიკაციების შესახებ“ საქართველოს კანონის 27-ე მუხლის პირველი პუნქტის შესაბამისად, კომისია უფლებამოსილია შერწყმის ან შექმნის თაობაზე ავტორიზებული პირის სრულყოფილი შეტყობინების მიღებიდან 15 დღის ვადაში გასცეს თანხმობა შერწყმაზე ან შექმნაზე ან ბაზრის შესაბამის სეგმენტზე არსებულ კონკურენციაზე შესაძლო გავლენის მოხდენის დადგენის მიზნით მიიღოს გადაწყვეტილება შერწყმის ან შექმნის გამოკვლევის თაობაზე ადმინისტრაციული წარმოების დაწყების შესახებ.

კომისია აღნიშნავს, რომ შპს 2აიმუვის ჯი“ წარმოადგენს ავტორიზებულ პირს და მას ავტორიზაცია გავლილი აქვს ელექტრონული საკომუნიკაციო მომსახურების შემდეგ სახეზე:

B.F.4. მაუწყებლობის ტრანზიტი

მაუწყებლობის ტრანზიტი

“ელექტრონული კომუნიკაციების შესახებ“ საქართველოს კანონის 26-ე მუხლის შესაბამისად, სს 2აიმუვის ჯის“ მიერ (კომისიაში წერილების რეგისტრაციის №შ-6/12425-16 22.11.2016წ. და №შ-6/12430-16 24.11.2016) კომისიაში წარმოდგენილი იქნა შემდეგი სახის ინფორმაცია:

- კომპანიის საფირმო სახელწოდების, საქმიანობის სახისა და სარეგისტრაციო მონაცემების შესახებ;
- სს 2აიმუვის ჯის“ შემოსავლების შესახებ;
- სს 2აიმუვის ჯის“ ურთიერთდამოკიდებული/აფილირებული პირების შესახებ;
- შპს „დიჯიტალ ედის“ ურთიერთდამოკიდებული/აფილირებული პირების შესახებ.


კომისიის უწყებრივი რეესტრის მონაცემების მიხედვით შპს 2აიმუვის ჯის“ (ს/კ 404987289) დირექტორი და 40%-იანი წილის მფლობელია შოთა ჩლაიძე, ხოლო 60%-იანი წილის მფლობელია შპს „დიჯიტალ ედის“ (ს/კ 404963955).

კომისიის უწყებრივი რეესტრის მონაცემების მიხედვით შპს „დიჯიტალ ედის“ არ წარმოადგენს ავტორიზებულ პირს.

არასამეწარმეო (არაკომერციული) იურიდიული პირების რეესტრის მონაცემების მიხედვით შპს „დიჯიტალ ედის“ წილის 12,25%-ის მფლობელია ფიზიკური პირი გივი გურასპაული, წილის 12,25%-ის მფლობელია ფიზიკური პირი ნიკოლოზ გაბელია, წილის 12,25%-ის მფლობელია ფიზიკური პირი ანდრო კიკნაძე, წილის 12,25%-ის მფლობელია ფიზიკური პირი კონსტანტინე ჭავჭავანიძე, წილის 51%-ის მფლობელია ფიზიკური პირი ლევან ჭიორელი, ხოლო დირექტორი ირაკლი ცინცაძე.

შპს „დიჯიტალ ედის“ დამფუძნებლები ფიზიკური პირები გივი გურასპაული, ნიკოლოზ გაბელია, ანდრო კიკნაძე, კონსტანტინე ჭავჭავანიძე, ლევან ჭიორელი და დირექტორი ირაკლი ცინცაძე კომისიის ავტორიზებულ პირთა უწყებრივი რეესტრში არ ფიქსირდებიან.

კომისია ასევე აღნიშნავს, რომ კომისიის ავტორიზებულ პირთა უწყებრივი რეესტრის მიხედვით დგინდება შპს „აიმუვის ჯის“ დირექტორის და წილის 40%-ის მფლობელის ფიზიკური პირის შოთა ჩლაიძის აფილირება შპს „დიჯიტალ ედისთან“.



კომისიის საერთო სტატისტიკურ ბაზაში არსებული ინფორმაციის მიხედვით შპს „აიმუვის ჯისი“ შემოსავლები არ ფიქსირდება.

შპს „აიმუვის ჯისი“ პარტნიორის ფიზიკური პირის შოთა ჩლაიძის 40%-ის შპს „დიჯიტალ ედისი“ მიერ შეძენის შემთხვევაში, აღნიშნული ტრანზაქცია ვერ მოახდენს რაიმე გავლენას ელექტრონულ საკომუნიკაციო ბაზარზე არსებულ კონკურენციაზე.

კომისიამ მიიჩნია, რომ არ არსებობს შპს „აიმუვის ჯისი“ წილის 40%-ის შპს „დიჯიტალ ედისი“ მიერ შეძენაზე წინასწარი თანხმობის მიცემის დამაბრკოლებელი გარემოებები.

“ელექტრონული კომუნიკაციების შესახებ” საქართველოს კანონის 25-ე, 26-ე და 27-ე მუხლების შესაბამისად, კომისიამ კენჭისყრის შედეგად, ერთხმად

გ ა და წ ყ ვ ი ტ ა :

1. მიეცეს თანხმობა შპს „აიმუვის ჯისი“, შპს „აიმუვის ჯისი“ წილის 40%-ის შპს „დიჯიტალ ედისი“ მიერ შეძენაზე.
2. განემართოს შპს „აიმუვის ჯისი“, რომ ამ გადაწყვეტილების შესაბამისად, წილის მფლობელის ცვლილების შემთხვევაში, შპს „აიმუვის ჯისი“ ვალდებულია აღნიშნულის თაობაზე კომისიას აცნობოს ცვლილების განხორციელებიდან 7 სამუშაო დღის ვადაში;
3. დაევალოს კომისიის აპარატის ადმინისტრაციულ დეპარტამენტს ამ გადაწყვეტილების შპს „აიმუვის ჯისათვის“ დაუყოვნებლივ გადაგზავნა (ი. ხარეზავა);
4. გადაწყვეტილება ძალაში შედის მისი დამოწმებული ასლის შპს „აიმუვის ჯისათვის“ ჩაბარების დღიდან;
5. გადაწყვეტილება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (მისამართი, ქ. თბილისი, დავით აღმაშენებლის ხეივანი, მე-12 კმ., №6), ამ გადაწყვეტილების შპს „აიმუვის ჯისათვის“ ჩაბარების დღიდან ერთი თვის ვადაში;
6. კონტროლი აღნიშნული გადაწყვეტილების შესრულებაზე დაევალოს კომისიის აპარატის კონკურენციის ხელშეწყობის დეპარტამენტს (დ. გოგიჩაიშვილი).

კომისიის თავმჯდომარე
 კომისიის წევრი
 კომისიის წევრი
 კომისიის წევრი
 კომისიის წევრი

ვახტანგ აბაშიძე
 ელისო ასანიძე
 გიორგი ფრუიძე
 კახა ბექაური
 მერაბ ქათამაძე